

ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱۰ ربیع‌الآخر ۱۳۳۵ جمعه ایرتسی ۲۱ کانون ثانی ۱۳۳۲ نومرو ۱۴

جلال نوری بکه مکتوب

L ۱۶ کانون ثانی ۱۹۱۷

استاد معزز

اسویچره خاطراتی ملفوفدر . بر آیدن بری اقدامك هیچ بر نومروسنی کورمدم . عجا بو کونلرده آله بیلیرمییم ؛ اسویچره یه دائر یازیلر و دیگرلری چوقدنبری یازیلش طورییور . بوراده نه کاتیم نه کتابم وار . پارمغمده بر جیبان چیقمش . اون بش کوندر نه زحمتله قلم طوتیورم ، بن بیلیرم . چاقی بی اوجندن طوتارکی .. بوراده قیش پک شدتلی . سزکله حسبحال ایده جک پک چوق شیلر وار . بو کونلک مساعده کزله بیان اشتیاق و احترام ایله سوزیمه بوراده نهایت ویریم محب مکریم افندم .

سزائی

اسویچره خاطراتی

۶ اغستوس ۱۹۱۶

طاغلرک مسافرلرندن دکل ، یرلیرندن ، جبالک اولاد سرافرازندن بری ، اوکله دن صوکره ساعت بریچقده بولندیغم اوتله کلرک ، دون کیجه سوزی کچن تنزهی اخطار ایتدی . اوراده ، عزیمت وعودت طوی درت ساعت ! دیوردی . دنیانک کزدیکم یرلرنده اسویچره کی یورومه‌نک حوایج ضروریه دن اولدینی بر هملکت کورمدم . اسویچره لی مقتضیات حال و موقع فلسفه سندن انسان - کچی اولق مجبوریتنده ! اسویچره طاغلردن عبارت بر قطعه ! بوراده طوغانلر طبیعی « طیرمانق » خاصه سنه مالک اوله رق دنیا یه کلیور . مثلاً : یانکزدن کچن وتنزه ایچون سوقاغه چیقمش ظن ایتدیککز برکنج قیزله بریاشلی پدر بش التی ساعت مسافه سی اولان دیگر برشهره کیتمکده ، بر

دها بی طرف ، دها مجرد ، دها علمی برکوزله محاکمه ایدہ جک اولان کیمسه لر اون آلتنجی قرن میلادیدن ، [رهنه سانس] ، [رهنه فورم] و بیوک کشفیات دورندن بری بوقدر اقدام و اہتمام ایلہ وجودہ کتیریلن مدنیت مشترکہ نیک انہدامی مسئولیتنی تردی ایدن ، برقچ یوز سنہ لک مسالک و عنعنہ یی آیاقلر آلتہ آلان ، اوروپا موازنہ سنی ، ضمانات دولیہ یی ہیچہ صایان ائتلاف رجانہ و بالخاصہ انکلیر سرآمدانہ عطف ایدہ جکلردر .

مہول نوری

کوستا و لوبونک آثارندن :

تکامل خلألق قوانین روحیہ سی

خلقک روحی ، تشکیلاتنہ نصل اساس اولیور؟ — ہر قوم و ملتک تاریخی ، بنیہ ذہنیہ سنک مولودیدر . بالقلر صو ایچندہ یشادقلرندن ، اہجہزہ تنفسیہ لری نصل برطرز حیاتہ کورہ یارادلش ایسہ ، برملتک تاریخی دخی بنیہ ذہنیہ سنہ موافق صورتدہ تجلی ایتکدہ در . اول امردہ بوبنیہ تدقیق ایدلز ایسہ ، برملتک تاریخی ، بینلرنده انسجام مفقود اولان وکویا حدوئلری تصادفہ تابع بولنان برطاقم وقایعدن عبارت کی کورینور . حالبوکہ بر خلقک روحی اکلاشلدینی حالہ ، اونک حیاتی ، سجایای روحیہ سنک نتائج طبیعیہ و تأثیرات مطلقہ سنک تظاہرندن بشقہ برشی دکلدہ . برملتک حیاتندہ ، ہر نوع تجلیاتندہ طوغریدن طوغری بہ مقدراتنی ایلاد ایدن و ہیچ بر وجہ ایلہ تغیراتہ تابع اولیان « روح عرق » نی بولیورز . بوروحک اک زیادہ اثبات قوت و مکت ایتدیکی ساحہ ، تشکیلات سیاسیہ موضع لیدر . دیورلرکہ : ہر قوم لایق اولدینی حکومتہ مالکدر . او حالہ ، برحکومتدن طلب اولنہ جقشی ، اونک زیر تابعیتمندہ بولندیردینی اہالینک حسیات و افکارینہ برتمثال اولسی کیفیتدر . ذاتاً وجود حکومت ، بوقاعدہ نیک نتیجہ سیدر .

خلقک روحی ، مقدراتنہ نہ درجہ حاکمدر؟ — بر خلقک مقدراتندہ روحنک نہ درجہ اجرای تأثیر ایتدیکنی اثبات ایچون ، انکلیر و اسپانیول کی آیری آیری ایکی عرقک بازده استیلاسی اولان شمالی و جنوبی آمریکای قباي مثال اولہرق آلمق کافیدر . ہر ایکی قطعہ دہ موجود اولان جمہوریت تشکیلاتی ہان عینی کبیدر . چونکہ جنوبی آمریقا جمہوریتلری ، شمالی تقلیدہ قویولشلردر . شو حالہ ، بورالردہ ساکن اہالینک مقدراتنی اکلامق ایچون ، تدقیقہ شایان اولمق اوزرہ یالکیز بوایکی قسم اہالینک ارہ لرنده کی مہانیت عرقیہ یی کوریورز . حکومت متحدہ یی تشکیل ایدن اہالی انکلیر عرقنہ منسوبدر . شدت عزم ، لایقنی فعالیت ، تشبث شخصی میلی ، نفسہ تحکم ، حس استقلال ، حس وظیفہ ، دیندارلق ، قطعی بر دستور اخلاق ، شؤن مختلفہ دن عملی بر صورتدہ استفادہ یی تأمین ایدہ جک بر قوہ محاکمہ ، مسلکہ فرط اعتماددن متولد بر نیک بینی ، ییانجیلرہ قارشو فطری بر عداوت ، بو عرقک خصائص .

میزه‌سندندر . ممالك متعدده موفقت ، انجق بسط اولنان سجایایه مالکیت ایله قابلدر . بونک ایچوندکه مهاجرتلر ، عرقك وضع اصلینه قطعاً اجرای تأثیر ایده‌من . اورالرده انجق آنغلو - ساقسون عرقی پایدار اوله‌بیلیر . دیگر بر عرقه منسوب اهالیدن متشکل جنوبی امریقایه کلنجه : اهالی ، حد ذاته‌ذکی ، ارااضینک قوه انباتیه سی شایان حیرت بر درجه‌ده اولدینی و تشکیلات اداره ، همان‌همان حکومت متحده نککیلرینه معادل بولندینی حالده ، عرق بشقه و بناء علیه سجایا اره‌سندده کی مبانیت پک بارز اولدیغندن جنوبی آمریکا جمهوریتلری ، متوالی بر آنارشی حالده بولنیور و برر کر یوئه انحطاطه طوغرو یوریور . سوائق اضمحلالی انجق عرقك بنیه ذهنیه‌سندده آراملیدر . حکومت متحده‌ده اساسکیر اولان تشکیلات ، جنوبی آمریقاده عکسی نتیجه لر تولید ایتمش و اورالرده ، روسیه چارینک مطلقیت اداره‌سندده مشابه اشکال آکشدرد . جنوبی آمریقاده بولنان ولاتین عرقه منسوب اولان اهالی ، تکملده کی بوعدم قابلیتنی ساحه سیاستده دکل ، مدینتک کافه صفحاتنده کوسترمشدرد . اورالرده ، صنعت ، تجارت ، رفاهیت و الحاصل هر سائق ترقی بیانجیلر النده در . بو سایه‌ده درکه جنوبی آمریقاده ، موجودیتنه اوروپالیرک حالا ذاهب اولدقلری سطحی برجلای مدینت کوریله‌بیلور . انغلو ساقسون ولاتین عرقلری حقنده کی مقایسه ، قوانین روحیه مبسوطه‌نی پک کوزل ایضاح ایتمکده در .

روح عرقك تبدلاتی ، نصل ملتلك تكامل تاریخیلرینی دکیشدیره‌بیلیر؟

عناصر اجنبیه‌نک نفوذ و تأثیری ، بر عرقك روحنی و بناء علیه مدینتنی پک چابوق دوچار تغیرایدرد . عروق تاریخیه‌نک صورت تشکندن بحث ایتدیگمز صره‌ده کورمش ایدک که : عرقك انحلالنه یکانه سبب ، یکدیگریله اولان اختلاطات جنسیه در . حتی بیانجیلرایله اختلاطدن توقی ایدن عرقلردرکه ماهیت اصلیه و اتحاد و قوتلرینی محافظه ایتملردرد . بیانجیلرک - قلیل مقدارده اولسه دخی - موجودیتلری ، بر قومك روحنی تغیر ایتکه ، سجایای عرقیه‌سنی مدافعه ، آبدات تاریخیه‌سنی ، اجدادینک آثارینی محافظه قابلیتندن اوقومی محروم برافغه کافیدرد . روما مدینتی ، عسکری استیلار نتیجه‌سی اوله رق دکل ، رومانک شوکتی تدریجاً ایتمش اولان باربارلرک حلول مصلحانه لری ایله انقراضه اوغرامشدرد . زمانزده دخی ، روما مدینتک تغیراته اوغرامه‌سنی موجب اولان بوکبی استیلار نظره چارمقدده در . معلوم اولدینی اوزره هر ملتده ، مآثر مدنییه قارشو قابلیتلری مفقود برچوق عناصر موجوددره . ایسته بو عنصرلرک ساحه نفوذی داخلنده بولنه جقلره قارشو اولان تأثیرات پک مشغوم ، پک اضمحلال آوردرد . متحده آمریقایه طوغری کیتدکجه زیاده‌اشن مهاجرتلر ، استقباله او مملکتلره . مدهش فناقلر ایقاعنه مستعددر . اقوام سالفه‌نک ، کندی مملکتلرینه بیانجی قبول ایتهمک خصوصنده کی فکرلرینک حکمتی شمیدی اکلاشیلور : اونلرجه بر مملکتک قوتی ، سکنه‌سیله دکل ، اصل او مملکته مربوط وطنیلرک هیئت مجموعه‌سیله تقویم اولنق لازمدر . تفصیلات مبسوطه دن مستبان اولیور که مسائل تاریخیه و اجتماعیه‌نک مفتاحی « عرق » ماده‌سیدرد . عرقک حیات ملیه‌ده تأثیرات حیرت بخشاسی هر درلو عاملک فوقنده در .

دعوی وکیلی کریدی

احمد سانی